

# Vuk'uzenzele

**JOBS  
INSIDE:**

Produced by Government Communications (GCIS)

English/Siswati

| Inhlaba 2019 Lushicilelo I



## The people's President



ALSO AVAILABLE ON:



@VukuzenzeleNews



Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

Email: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

**FREE  
COPY**

**Presidential Inauguration Special Edition**



# Umtamo we-YES uniketa lusha timphiko tekundiza



Iona lobacashile, Iona lobacashako yena angakhokhi lutfo. Lomuntfu lomusha utawusebenta kulebhizinisi lemcashile tinyanga letili-12 bese akhokhelwe ngulenkapani lesekelu ngetimali.

## Ngingamukhetsa umuntfu lomusha lengifuna kumucasha?

Yebo, ungatikhetsela kantsi sitawusebenta nawe kuku-khetsisa umuntfu lolungele inkapani yakho.

## Ngabe lowo muntfu lomusha angasekelwa ngetimali sikhatsi lesindlula umnyaka?

Cha, lusha lwe-YES lusekelwa sikhatsi lesilinganiselwa kumnyaka munye. Uma ngabe ufuna kusale ucasha lolusha lwe-YES ngemuva kwesikhatsi lesindlula umnyaka, kutawufanele kutsi umholele ngekwakho.

**U**mtamo weTinsita Tekucashwa Kwelusha (i-YES) uhlose kuniketa sigidzi sinye sebantfu labasha labangasebenti misebenti lekhokhelwako sikhatsi lesilinganiselwa kuminyaka lemitsatfu.

Umklamo lowesungulwe ngebuhlakani baMengameli Cyril Ramaphosa, loluhlelo luhlose kulungiselela bantfu labasha kutsi batfole umsebenti nekubaniketa emakhono ebungcweti ladzingekako kusekela lokusungulwa kwetimboni letitawutfutukisa umnotfo.

I-YES ibuye ibe ngumtamo loyinhlanganisela yahlumende, tisebenti nemabhizinisi wekucinisekisa kwekutsi bantfu labasha baseNingizimu Afrika bawulungele umkhakha wetemisebenti.

Kudzimate kube ngunamuhla, umtamo we-YES sewukhonile kutfolela bantfu labasha labangasebenti imisebenti lebalalewa kuti-17 000.

Uma ngabe ungumuntfu lomusha kantsi ungatsandza kuba yincenye yalomtamo we-YES naku lekudzingeke

kutsi ukwati;

## Yini lekufanele umuntfu lomusha abe nayo kute abe yincenye yaloluhlelo lwe-YES?

Lusha lwe-YES kufanele:

- kube ngumuntfu lomnyama, ngekwenzazelo yeluhlelo Lwekuniketa Labamnyama Emandla Kutemnotfo (i-BEE).
- Abe neminyaka yebudzala lesemkhatsini yale-18 nalenge-34 (njengoba lena kungiyi inchazelo yelusha); futsi abe sakhamuti saseNingizimu Afrika.
- Loluhlelo lwe-YES alusilo lwebantfu labasha labafuna kuntjintja umsebenti kodvwa lwebantfu labasha labangasebenti kwanyalo.

## Ngutiphi ticu letidzingekako kute ube yincenye yalomtamo we-YES? Umuntfu langenato ticu tasenyuvesi angabhalisa?

I-YES yentelwe bonkhe bantfu labasha labangasebenti labaneminyaka yebudzala lesemkhatsini

yale-18 nalenge-34, akubukwa kutsi ufundze kangakanani.

## Ungakhona kusita lusha loluhlala etindzaweni tasemaphandleni?

I-YES ihlose kusita bonkhe bantfu labasha labamnyama baseNingizimu Afrika noma ngabe bahlala kuphi kuleli.

## Ngabe i-YES iniketa tinhlango letingekho ngaphasi kwahulumende (ema-NGO) nemabhizinisi lamancane ematfuba ekusekelwa ngemali, indzawo yekuvula emahhovisi noma nemathulusi?

Loluhlobo lwekusekela loluniketwa yi-YES kumabhizinisi noma-NGO alufaki ekhatsi imali, kepha iwasita ngekutfutukiswa kwemakhono kanye nekutfumela bantfu labasha emabhizinisini abo njengetisebenti. Lokubi kwekutsi, angeke sikhone kusekela ngemali, emahhovisi noma emathulusi ekusebenta noma kubachumanisa nalabatsintsekako

labangasebenta nabo.

## Ngabe i-YES ibasita njani bosomabhizinisi labancane labasatfutuka? Niyabasekela ngetimali?

Ngeshwa, i-YES ayisekeli ngetinsita tetimali kubosomabhizinisi labancane labasafufusa. Noma kunjalo, singawasita emabhizinisi lasemasha (ema-SMME) ngekuwaniketa lusha lolusenelwati lolusha nalolunemakhono.

## Nginebhizinisi leyiseyincane kantsi ngingatsandza kuba nelusha lwe-YES, kodvwa angeke ngikhone kubakhokhela umholo. Ngingangenelela njani ku-YES?

Kuba ngumcashi losekela ngetimali kuyincenye yaloluhlelo lwe-YES. Emabhizinisi lafinyelela kulesibalo lesibekiwe se-YES angakhetsa kucasha lolusha emabhizinisini abo noma kulabo bema-SMME ngeku-sebentisa luhlelo lwekusekela

## Sengivele ngibhalisile. Ngabe sikhatsi sekutfunyelwa kwebantfu sicala nini?

Sisekulomshikashika wekwakha ematfuba emsebenti, loko kuyinchubo lematima naletsatsa sikhatsi.

Noma kunjalo, licembu letfu lisebenta ngekutikhandla kwenta lomsebenti wetfu wekwakha sigidzi sinye sematfuba emsebenti kwentelwa bantfu labasha baseNingizimu Afrika. Uma ngabe sesiwhakhe lamatfuba emsebenti, sitawubese sicala kucasha. Uma ngabe ubhalisile, sitakutsintsa. **V**

## Ngibhalisa njani kuba lusha lwe-YES?

Sicela ungene kuwebhusayithi yetfu letsi: [www.yes4youth.co.za/youth-registration](http://www.yes4youth.co.za/youth-registration) lapho ungabhalisa khona njengelusha lwe-YES.